

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 10. Januar 2019

Här President,


Sou wéi d'Chambersreglement et virgesäit, bieden ech lech, dës parlamentaresch Fro un den Här Wirtschaftsminister weiderzeleeden.

De Statec mécht ëmmer nees Enquêten iwwer d'Konsumverhale vun de Privatleit, a freet domat Informatiounen, déi déif an d'Privatliewe vun de Leit agräifen. Den Artikel 14 vum Gesetz vum 10. Juli 2011 iwwer de Statec gëtt dem „service enquêteur“ vum Statec en „droit d'investigation“. Den Artikel 15 vum selwechte Gesetz gesäit vir, datt Persounen déi de Fonctionnaires an Agente vum Statec Donnéeën iwwer hir Privatliewe net matdeelen, kënnen bestrooft ginn.

An dem Zesammenhank wéilt ech dem Här Wirtschaftsminister dës Froe stellen:

1. Ass dës Legislatioun nach kompatibel mat der aktueller Legislatioun iwwer den Dateschutz?
2. Wéi eng Qualifikatioune mussen déi „Agente“ vum Statec hunn? Ënnerleien si engem Berufsgesheimnis?
3. Wéi eng Fichieren huet de Statec a wat geschitt mat deenen Donnéeën déi Privatpersounen dem Statec zur Verfügung stellen?
4. Wéi dacks huet de Statec schonn, an Applikatioun vum Artikel 15, eng Plainte géint eng Privatpersoun gemaach déi him keng Donnéeën iwwer hiert Konsumverhale wollt matdeelen?
5. Ass den Här Minister der Meenung, datt dat Gesetz vum 2011 misst iwwerschaft gi fir d'Privatliewe vun de Leit besser ze protegéieren?
6. Ass den Här Minister der Meenung datt d'Kommunikatioun vu privaten Donnéeën sollt exklusiv op Fräiwëllegkeet berouen an datt déi Stéit déi bereet wäeren un esou Enquête mat ze maachen och dofir sollten entschiedegt ginn?

Mat déiwem Respekt,



Fernand Kartheiser  
Deputéierten

